



GULNARA SAMOILNOVA / AP

BIZIA SALBATZEKO AHALEGINETAN. World Trade Center inguruetatik atera nahian, hautsak estalirik eta hondakinen artean ibili zen jendea.

Max Boehnel | NEW YORK

New York dardara batean

WORLD TRADE CENTERRAREN AURKAKO ERASOA. New Yorkeko kaleetan izua eta harridura barreiatu ziren atzo, atentatuaren egileen inguruko hipotesiekin batera

Manhattan ikara bizian da, biztanleak izuak jota. Goizeko 8:48ak: izugarritzko danbada aditzen da kilometro askotara. Metroa utzi berri duenak eta lanerako azken urratsak oinez egiten ari denak dagoeneko badaki hondamendi bat gertatu dena. Munduko eraikin garaienak eta finantza hiriko sinboloa den World Trade Center dorreetako baten gaineko solairuak sutan dira. Ke hodei ilunek ehunka metroko altuera hartzen dute, zulo beltz bat ageri da Dorre Bikietako batean. Metroak gelditu dira, Poliziak Manhattanerako bidean diren hainbat zubi eta tunel ixten ditu. Ehunka mila lagun blokeaturik dago. Hegazkin batek dorrearen aurka jo du, irratian hunkituriko ahots batek jakinarazten duenez. Bigarren aireko batek beste dorrearen kontra jotzen du 18 minutu geroago. Erasoa izan da!

World Trade Centerreko bi dorreak zazpi milioi biztanle dituen hiriko toki orotik da ikusgarri. Ke lodiak estalirik agertzen dira. Zer gertatu da *Dorre Bikietan* egunero lan egiten duten milaka lagunekin? Egunero 50.000 lagun, langile, bulegari eta negozio jendea, aritzen da hor. Metro geltokirik jendetsuena dago bertan, milaka eta milaka lagun igarotzen da bertatik

egunero. Lehen irrati albiste-giaren arabera, dozenaka lagun 50, 100, 200 metro altueratik salto egiten ari da.

Midtown Manhattango 6th Avenue: erretzen ari diren dorreak bistan. Jendea autotatik ateratzen da. «*Terrorist attack*» entzuten da irrati guztietan. Bush agertzen da uhinetan. «Tragedia nazionala», esaten du, «gure lurraldearen aurkako eraso terrorista». «Ekialde Hurbileko terroristak New Yorken», esaten du norbaitek kalean, «arabiar zerri halakoak». Hori tontakeria. Oklahomako erasoaren ondoren lehenengo erreakzioa bera izan zen: amerikar batek ezin du halakorik egin. Timothy McVeighen inguruko aipamenik ez du inork egin nahi, antza denez.

New Yorkeko kaleak astintzen ditu berriz zalaparta batek. Lehen dorrea amildu egin da.



DIANE BONDAREFF / AP

IZUA NAGUSI. Larrialdi zerbitzuetaiko beharginek hondamendian laguntzeko asmoz beltzak eta gorriak ikusi zituzten.

Papera airean dabil hegan, hautsa nagusitzen da. Manhattan erdia zentimetro bateko hauts geruza batek estaltzen du —WTCko hautsa—. Milaka dira, antza denez, hondakinen eta hautsaren azpian harrapatu-rikoak.

Hegaldiak bertan behera gelditu dira, New York eta Washingtonen arteko telefono deiak eten dira, militarrek eta poliziak larrialdi egoeran dira, oporretan ziren langileak lanera deitu dituzte erietxeetatik. Downtown Manhattan hustu egin dute. Alkate aukeratzeko hauteskundeak gibelatu dituzte.

Larrialdi egoera nazionala: beste hegazkin bat Pentagonoan jo du eta sutan jarri du. Pittsburgh hiritik gertu bidaiariz beteriko hegazkin bat erori da.

Laurence Eagleburger, Defentsa ministro ohiak, danborrari eragiten dio: «Harrapatuko ditugu». «Bai baina nor?», galdetzen dio erreportariak.

«Zaurituak lagundu eta galderak egin behar ditugu ezer baino lehen», esan du Mich Cohen New Yorkeko Berdeen hautagaiak. «Bushek eraso bere misil sistema defendatzeko erabiliko du», gaineratu du. Misil Defentsa Sistema eta armagintza egitasmoak EEBBetan kritikatzeko dituenak, terroraren defendatzaile izatearen susmagarri da egun.